


Bibel fa Kjinja
brinjt junt

Jesus de
Gooda
Liera



Jeschräwen von: Edward Hughes
Jemolt von: Byron Unger un Lazarus
Toom Pauss jestalt von: E. Frischbutter un Sarah S.
Äwasat von: Ed Zacharias
Alastair Paterson
Hääjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.


Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.





Jesus wia
een gooda Liera, de
basta. Väle Menschen horchten no
am. Jesus säd see sullen leeftolich,
jnädich un goot sennen. Aundre
wudden an veleicht steeten un
haussen; Gott wudd an halpen.






Jesus lieed an vâl.
Hee säd wie sullen
de Welt oppdachen,
soo aus een
Taulchlicht een
Hus oppdacht.
Soon kjlienet Licht
halpt vâl en eene
diestra Stow.



De Menschen to woone Jesus räd jleewden aun
trigj-tolen: "Een Uag fa een Uag, un eene Tån
fa eene Tån." Oba Jesus lieed an leewen,
vejäwen un leeftolich sennen, soogoa to Fiend.




To Jesus siene Tiet jeewen eenje Menschen dän Schien daut see sea heilich wieren. Wan see Oame waut gauwen, leeten see een Trompeet blösen, soo daut aule daut sagen. Jesus säd, "Jeff em Jeheemen, Gott woat die beloonen."



Jesus säd uk soont wäajen bäden. Eenje bäden
oppe Gaussen Akj soo daut aule daut hieren un
seenen sullen. See dochten nich aun Gott; bloos aun
waut aundre von an denkjen
wudden. Jesus säd dee hauden
de Menschen waut vää-jemoakt,
ooda jeheichelt.




Jesus brukt foaken een Bilt vonne Natua wan hee
lied. Hee säd, "Kraajt soo aus Gott de Väajel äten
jeft, soo sull wie nich duaren.
Gott woat ons toom äten jäwen."



"De Kjennich Salomo wia nich soo schmock
aunjetrocken aus eene Lelje," säd Jesus. "Wan
Gott de Plaanten oppe Stap soo kjleeden deit, woat
hee junt dan nich uk kjleeden?" Jesus lieed an daut
see sikj opp Gott veloten sullen fa aules waut
an fäld.



Jesus säd, "Wan wää sien Brooda
beschulcht, es daut aus wan eena wäm
een Spoon utem Uag well
nämen, wan eena
selfst een Stekj
Holt em Uag haft."
Eenje lachten,
doch see musten
nodenkjen waut
hee jemeent haud.



Jesus säd Menschen sullen Gott
froagen toom an halpen. Wudd
een menschliche Voda een Kjint
een Steen jäwen wan dee no Broot
fruach? Nä! Dee wudd waut goodet
jäwen. Gott jeft uk goodet wan
wää frajcht.



Jesus, de gooda Liera, woarnd jaaen
faulsche Liera. "Dee wiesen sikj en
Schops-kjleeda," säd Jesus, "oba von
bennen sent daut Wilw!" Hee säd
faulsche Liera wudd wie von äare
Doten kjanen.




En eene Jeschicht weess Jesus daut Menschen dee
Gott jehuarsom wieren, wieren soo aus eena dee

sien Hus opp faustet
Steen bud. Uk en
eenen grooten Storm
stunt daut faust.



Oba een onvestendja Maun bud sien Hus opp Saunt.
Aus de Storm kjeem, bruak daut twei; daut haud
nich een fausten Grunt. Waa Gott nich jehorcht,
säd Jesus, es soo aus dee Maun.



De Lied wundaden sikj äwa waut Jesus
säd. Soont hauden see nich ea jehieet.
Nu wisten see daut Gott sien Wuat
hieren es nich jenuach; wie motten
daut jehuarsom sennen.



Jesus de Gooda Liera


Eene Jeshicht von en daut Wuat Gottes,
de Bibel

finjt eena en

Matäus 5-7, Lukas 6


"Wan dien Wuat openboat woat,
jeft daut Licht." Psalm 119:130





Daut Enj

42



60



Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

